




ԵԿԵՂԵՑԱԿԱՆ ԲԵՄ. ԼՈՒՐԵՐ

Հոկտեմբերի 1-ին, չորեքշաբթի.—Այսօր, կեսօրից առաջ, Մայր Աթոռ և Վեհափառ Հայրապետին են այցելում Ավստրալիայից և Միացյալ Նահանգներից ժամանած 80 հայ ուխտավորներ:

Հանում ուխտավորների խմբի ելույթ է ունենում Հայ Բարեգործական Ընդհանուր Միության Նյու Յորքի Տիկնանց հանձնաժողովի ատենապետ Լուիս Այլընը և կարդում հետևյալ ուղերձը.

«Վեհափառ Տեր,

Անցնող տասնամյակներում, հետզհետե աճող թիվով մայր հայրենիք և Սուրբ Էջմիածին այցելող սփյուռքահայ խումբերում ոսկե շրթային վրա կավելա մեր խումբը իբրև նոր օղակ մը: Մենե շատերը, որոնց մեջ նաև ես, առաջին անգամն է, որ կայցելենք Հայաստան:

Թեև մեզի տրված է երկու շաբաթներու ժամանակամիջոց մը, բայց մինչև այսօր մեր տեսածները և հառաչիկա օրերում մեր տեսնելիքները սքանչացում կպատճառեն մեզի: Մայր հայրենիքին մեջ, ամեն մարզի վրա, իրագործված նվաճումները գնահատել կարենալու համար, պետք է այցելել և սեփական աչքերով տեսնել այս բոլորը: Ասոնց մասին լսելը անբավարար է, և արդարություն չըներ իրականության:

Ամեն հայ որ կայցելե Հայաստան, նվիրական պարտականություն ունի այցելելու նաև մեր հոգևոր հայրենիքը՝ Սուրբ Էջմիածին: Առանց այդ այցելության շատ բան կպակսի դեպի Հայաստան կատարած մեր

ուղևորությունն: Հայ հավատքի կեդրոնը եղող այս սրբավայրին մեջ մեր տեսածները ոչ միայն կխանդավառեն մեզ, այլ կհամոզեն նաև որ Արարատի նայվածքին տակ հանգչող այս Հաստատությունը անխախտ պիտի մնա հայ ժողովուրդին հետ:

Վեհափառ Հայր, ես և ինձի պես շատեր, երկու առիթներով տեսած ենք Ձեզ, Ամերիկայի մեջ: Բայց Ձեզ իրապես գնահատելու համար, պետք է Ձեզ տեսնել Սուրբ Էջմիածնի մեջ և կենդանի աչքերով վկայել Ձեր բազմակողմանի իրագործումները Սուրբ Էջմիածնի և Հայ Եկեղեցվո համար: Մենք սիրեցինք Ձեզի Ամերիկայի մեջ, բայց այս բոլորը տեսնելով, կհիանանք Ձեր վրա:

Վեհափառ Հայր, օրհնեցեք մեզի, և ամրապնդեցեք զմեզ մեր հավատքին մեջ»:

*
*
*

Նույն օրը, երեկոյան, Վեհաբանում, Վեհափառ Հայրապետի նախագահությամբ, գումարվում է միաբանական հերթական հավաքույթ, որին հրավիրված էին նաև հոգևոր ճեմարանի դասախոսական կազմն ու ուսանողությունը:

Հավաքույթի ընթացքում «Ռավիթ Անհաղթի փիլիսոփայական հայացքները» թեմայի շուրջ բովանդակալից դասախոսություն է կարդում Մատենադարանի ավագ գիտաշխատող, փիլիսոփայական գիտությունների դոկտոր Սեն Արևշատյանը:

Վերջում հարգելի բանախոսը պատասխանում է ներկաների տված հարցերին:

գումարվում է միաբանական հերթական հավաքույթ:

Հոկտեմբերի 2-ին, հինգշաբթի.—Այսօր Վեհափառ Հայրապետի քարեհամ կարգադրությամբ Վիեննա է մեկնում Մայր Աթոռի երիտասարդ միաբան Ս. Աթել արք. Օլյուգյանը՝ տեղի աստվածաբանական ճեմարաններից մեկում իր ուսումը կատարելագործելու և միաժամանակ տեղի հայ համայնքին ծառայելու համար:

Հոկտեմբերի 5-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում ուխտավորաբար Մայր Աթոռում գտնվող Իրաքի հայոց թեմի առաջնորդ Ս. Ավագ վրդ. Ասատուրյանը և «Հայր մեր»-ից առաջ քարոզում «Յաւել ի մեզ Տէր ամենակալ զհաւատ, զյոյս, զսէր և զամենայն գործս առաքինութեան» աղոթքի բնաբանով:

Հավարտ ս. պատարագի, Վեհափառ Հայրապետի նախագահությամբ, կատարվում է հոգեհանգիստ՝ 1920 թ. Հաճընի հերոսամարտում զոհված հայ մարտիկների հիշատակին:

Նույն օրը Ս. Գայանե վանքի եկեղեցում տեղի է ունենում քահանայական ձեռնադրություն և օծում:

Ս. պատարագի ընթացքում Մայր տաճարի լուսարարապետ Ս. Հուսիկ արքեպ. Սանթրյանը քահանա է ձեռնադրում Ս. Գայանե վանքի տիրացու Սիմոն արկ. Դարբինյանին՝ վերանվանելով նրան Ս. Հարություն քահանա Դարբինյան:

Ս. Հարություն քահանան Մայր Աթոռում իր քառասունըրդ անցկացնելուց հետո, մեկնելու է Կիրովաբադ՝ տեղի հայոց եկեղեցում ծառայելու համար:

Հոկտեմբերի 8-ին, չորեքշաբթի.—Այսօր, առավոտյան, Վեհափառ Հայրապետից հրաժեշտ առնելով, իրենց պաշտոնատեղիին են մեկնում ուխտավորաբար Մայր Աթոռում գտնվող Ս. Սերովբե արքեպ. Մանուկյանը և Ս. Ավագ ծ. վրդ. Ասատուրյանը:

Նույն օրը, երեկոյան, Վեհարանում, Վեհափառ Հայրապետի նախագահությամբ,

Հոկտեմբերի 11-ին, շաբաթ.—Տօն Սրբոց Թարգմանչաց վարդապետացն մերոց.

Այսօր Օշականի Ս. Մեսրոպ Մաշտոց եկեղեցում, օրվա տոնի աղթիվ, ս. պատարագ է մատուցում Ս. Ղևոնդ արքեպ. Չեքելյանը և «Հայր մեր»-ից առաջ քարոզում Թարգմանչաց սերնդի կատարած եկեղեցական, մշակութային, ազգային անգահատելի գործի հոգևոր նշանակության մասին:

Նույն օրը, առավոտյան, Վեհափառ Հայրապետից հրաժեշտ առնելով, իր պաշտոնատեղիին է մեկնում Դամասկոսի հայոց թեմի առաջնորդ Ս. Ոսկան ծ. վրդ. Գալբակյանը:

Հոկտեմբերի 12-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Ստեփանոս արք. Հագալյանը և «Հայր մեր»-ից առաջ քարոզում «Ծանաչել զիմաստություն և զխրատ, իմանալ զբանս հանճարոյ» (Առակաց Ա. 1) բնաբանով:

Ս. պատարագին ներկա էր Վեհափառ Հայրապետը:

Հոկտեմբերի 15-ին, չորեքշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, կազմակերպվել էր հանդիպում ճանաչված բանաստեղծուհի Մարո Մարգարյանի հետ: Հանդիպմանը ներկա էին Մայր Աթոռի միաբանությունը, հոգևոր ճեմարանի դասախոսական կազմը և ուսանողությունը:

Երեկույթը ներածական խոսքով բաց է անում Վեհափառ Հայրապետը: Ապա հոգևոր ճեմարանի Բ լսարանի ուսանող Սըմբատ Արիստակեսյանը կարդում է Մարո Մարգարյանի մասին պատրաստած բովանդակալից իր ուսումնասիրությունը:

Գ դասարանի ուսանող Սամվել Դանիելյանը ընթերցում է բանաստեղծուհու մի քանի ստեղծագործություններ: Այնուհետև հրավիրվում է Մարո Մարգարյանը՝ իր խոսքն ասելու:

Հարգելի բանաստեղծուհին «բանաստեղծ և բանաստեղծություն» մտքերի շուրջ խոր-

հրդեհաշիջումներ կատարելուց հետո, կարողում է մի շարք բանաստեղծություններ իր անտիպ ստեղծագործություններից:

*
* *

Հոկտեմբերի 18-ին, շաբաթ.—Այսօր Մայր Աթոռ և Վեհափառ Հայրապետին է այցելում Սովետական Միությունում Գերմանիայի Դեմոկրատական Հանրապետության արտակարգ և լիազոր դեսպան Հարրի Նոդը՝ իր տիկնոջ հետ:

Վեհափառ Հայրապետի և մեծաիր պարոն դեսպանի միջև տեղի է ունենում ջերմ գրույց՝ բարեկամական մթնոլորտում:

*
* *

Հոկտեմբերի 19-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Զատիկ աթղ. Ավետիքյանը և «Հայր մեր»-ից առաջ քարոզում «Հոգի Տեառն ի վերայ իմ, վասն որոյ և օծ իսկ զիս, աւետարանել աղքատաց առաքեաց զիս, բժշկել գրեկեալս սրտիս, քարոզել գերեաց զթողութիւն և կուրաց տեսանել» (Եսայի ԿԱ 1—2) բնաբանով:

Ս. պատարագին ներկա էր Վեհափառ Հայրապետը:

*
* *

Նույն օրը ուխտավորաբար Մայր Աթոռ և Վեհափառ Հայրապետին է այցելում պոլսահայերի մի խումբ:

Հանուն ուխտավորների խմբի Կարպիս Ուղուրյանն ընթերցում է հետևյալ ջերմ խոսքը.

«Վեհափառ Տեր,

Սհա այսօր մեկ անգամ ևս փառք կուտաւ: Աստուծո, որ երջանկությունը կունենանք գտնվելու Սրբություն Սրբոց Սուրբ Էջմիածնի դարավոր կամարներում ներքև:

Վեհափառ Տեր, Դուք մոտեն ճանչցած եք իրաւաստիաւորությունը և տեղալ՝ անոնց զգացումներում հանդէպ Ս. Էջմիածնին և անոր արժանընտիր Գահակալիդ հանձնին Ձերդ Սուրբ Օծության, Տ. Տ. Վազգեն Ա Սրբազնագույն կաթողիկոսին:

Մեր այս ուխտավոր խումբին ալ արտօին փափագը և ուստն էր ներկայանալու Ձեզի, Ձերդ Սուրբ Օծության Ս. Աջը առնել վերջ, ստանալու անև հայրապետական Ձեր օրհնությունները:

Մեր այս փոքրաթիվ խումբը լրիվ, Աս-

տուծո կամքով հոգեպես պատրաստված է այսօր Ս. Էջմիածնի Մայր տաճարին մեջ խոստովանել վերջ, անմահ ս. պատարագի ընթացքին հաղորդություն ստանալու Ձերդ Սուրբ Օծության բարձր ներկայության առջև, որմե վերջ պիտի մեկնինք թեթևացած և բավարարված, ուխտը լրիվ կատարած ուխտավորի մը գոհունակությունը մեր արտերում մեջ:

Այս պատեհ առիթով, Վեհափառ Տեր, մեր դարիւյ և աստանդական հայու անգոր ջրթներով Ձերդ Սուրբ Օծության կմաղթենք երկա՛ր և քաջաոռջ տարիներ, որպեսզի սրժանավորապես շարունակեք գլխավորել Ս. Լուսավորչի այս պատմական և կարևոր գահը և լավագույնս հովվել մեր բազմաշարժար հայ ժողովուրդը ամենուրեք:

*
* *

Հոկտեմբերի 22-ին, չորեքշաբթի.—Այսօր, երեկոյան, Վեհափառում, Վեհափառ Հայրապետի նախագահությամբ, գումարվում է միաբանական հերթական հավաքույթ:

*
* *

Հոկտեմբերի 25-ին, շաբաթ.—Այսօր ուխտավորաբար Մայր Աթոռ և Վեհափառ Հայրապետին է այցելում լիբանանահայ ծանոթ մտավորական պրոֆ. Բարունակ Թովմազյանը՝ իր հարգելի տիկնոջ հետ:

*
* *

Հոկտեմբերի 26-ին, կիրակի.—Տօն Գիտ Խաչի.

Այսօր Մայր տաճարում, Ավագ խորանի վրա, ս. պատարագ է մատուցում Տ. Խաչատուր քհն. Ֆրանգյանը:

Ս. պատարագին ներկա էր Վեհափառ Հայրապետը:

*
* *

Հոկտեմբերի 29-ին, չորեքշաբթի.—Այսօր, երեկոյան, Վեհափառում, Վեհափառ Հայրապետի նախագահությամբ կազմակերպված հավաքույթի ժամանակ, ելույթ է ունենում ճանաչված թարգմանիչ և գրող Կարպիս Սուրենյանը:

Հարգելի Սուրենյանը դասախոսություն է կարդում «Անձնավորություն, անձնավորության ինքնաճանաչում» թեմայի շուրջ՝ վերջում պատասխանելով ներկաների տված մի շարք հարցերին: